

Guangjshih Minzcuz Bau

ganbbau: CN45-0036 B.2016 Nd.6 Ng.8 liggaueq bingjsaen nienz ndwennugx coseiq

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3227期

Swcigih Minzveij Cujyin Luz Yenbenj Bae Gujcai Yauzcuz Yangh Diuyenz

自治区民委主任卢献匾到古寨瑶族乡调研

6 nyied 1 hauh, Swcigih Minzveij cujyin Luz Yenbenj, Namzningz Si Minzveij cujyin Suh Cigangh daengj bae daengz Majsanh Yen Gujcai Yauzcuz Yangh diuyenz hong cauxlaeb minzcuz doxgiet cinbu, aen yienh neix yenveij cangzveij, dungjcanbu buchangj Banh Gveighn daengj buenx bae.

Luz Yenbenj daengj gonqlaeng ngonzyawj le Gujcai Yauzcuz Yangh gaihaw Yauzcuz daegsaek yienghsiengq

gaijcaux gunghcwngz, ranzlangnbaij minzsuz vwnzva, Gujlangj Mbanjyauz Vagimngaenz Gunghyenz. Luz Yenbenj haengjdingh le gij cingzcik Gujcai Yauzcuz Yangh hong cauxlaeb minzcuz doxgiet cinbu aeundaej haenx, haenhndei gij guhfap Gujcai Yauzcuz Yangh doenggvaq minzcuz daegsaek yienghsiengq gaijcaux, hwnjguh ranzlangnbaij minzsuz vwnzva daengj fuengsik daeuj ciengjgouq, yenzgiu

caeuq baujhoh minzcuz conzdungj vwnzva haenx, caemhcai q maqmuengh Gujcai Yauzcuz Yangh aeu minzcuz doxgiet cinbu cauxlaeb hozdung caeuq gak hangh hong cungsim giethab hwnjdaej, yungh ndei gij minzcuz cwngcwz dangj, coicaenh minzcuz yangh ndawbiengz ginghei vwnzva saehnieb hoenghvuengh hwnghat.

(Gujcai Yauzcuz Yangh)

SIUSIK DINJ

简讯

● Mboengqneix, Lungzswng Gak Cuz Swciyen cujiz bouxgagnyienh dangyenz bae cungh siuj hagdangz haiguh aen cawjdaez dwg “gvansim hagseng gungzhoj, buenx cangqheiq majhung” saedguh hozdung, doenggvaq soengq doxgaiq hagsib, guhcaemz miz yinx daengj fuengsik cienzndenq gij raeuj ndawbiengz.

(Vangz Yungifeih)

● 6 nyied 1 hauh, Yungzsuij Myauzcuz Swciyen Ngoenzngoenzangq Youwzyenz banh yienjok hozdung, aen cawjdaez dwg “fwngz hung yien fwngz iq caezguh siengjmuengh Cungguek”. Hozdung seiz, gyoengq lwnyiez biujyienj cizmuz seiz baijyienj le gij cingsaenz yienghsiengq Yungzsuij Myauzcuz lwnyiez cangqheiq, dwggyaez, gaenxmaenx doxhwnj, cungj hozdung neix fungfouq le ngoenzciet saedceij lwnyiez aen yienh neix.

(Cwngh Siengzdwz)

● Bineix fwnraemx lai, fwngeiq seizgan raez gvaq biwnq, Denzyangz Yen Yifung Cin gig yawjnaek hong fuengzceih deihaet caihaih, guh daengz caeux maeuzveh, caeux anbaiz, iugouz cin cunh cuj sam gaep ganbu doenggvaq gak cungj fuengsik yungh gak cungj banhfap, yiemzgek baizcaz caeuq haenqrengz gamduk daengx cin gizdieg aiq fatseng deihaet caihaih haenx.

(Vangz Gozsun)

● 6 nyied 2 hauh, Luzcai Yen Cizyez Gyauyuz Cungsim Sugungbanh hagseng youq lauxsae sonyinx baihlaj haiguh saedlien. Aen hagdangz neix yawjnaek son hagseng rox lai monz cihsiz, gyagiengz son saedguh doenghfwngz naengzlig, daegbied hawj hagseng roxsug yungh gihcangz guh gak cungj gihgi sezbei lingzgienh gyagoeng.

(Lai Genveih)

Lungzswng: Hozdung Lai Cungj Lai Yiengh Angqhoh “Roek It”



龙胜:多彩活动 庆“六一”

6 nyied 1 hauh, Lungzswng Gak Cuz Swciyen Lungzswng Siujyoz banh gaiq daihroek ciet yisuz vwnzva minzcuz nem angqhoh “roek it” vwnzyi comzyienj hozdung. Gyoengq lwnyiez hwnjdaiz yienj hei qingzgingj ndaw bonjsaw, boq huzluzswb, habciengq golaux Duncuz daengj cez-muz ndeyawj, youh ciengq youh diuq angqhoh ciet lwnyiez “roek it”. Ndaw doz dwg lwnyiez biujyienj diuq fouxsaux.

(Banh Cisiengz/潘志祥)

Ginhsiu “Cibsam Haj” Lai Guh Yauzcuz Vwnzva Canjnieb

金秀“十三五”大力发展瑶族文化产业

Ginhsiu Yauzcuz Swciyen gig yawjnaek Yauzcuz conzdungj vwnzva hwnghat, “cibsam haj” geizgan, yaek caenh itbough gyahung ligdoh hong vatcimh, cingjleix, baujhoh caeuq swnjcienz minzcuz vwnzva, caenh itbough fatyienz minzcuz vwnzva.

It dwg haenqrengz hwnghat saujsu minzcuz dijyuz, gyagiengz vwnzva dijyuz caeuq lijyouz canjnieb yungzhab, aeu saujsu minzcuz doxdax hozdung yungzhaej lijyouz haifat, guhbaenz gij gizmen canjnieb dox daiqdoengh, dox yingjyangj, dox hwnghat. Swnjcienz caeuq doigvangq Yauzcuz doxdax dijyuz, gaenxmaenx camgya saujsu minzcuz yindungvei, habdangq cujiz

Yauzcuz gyongdingj daengj saujsu minzcuz yindung camgya doxdax, hwnjguh Guengjsae saujsu minzcuz yindung gihti.

Ngeih dwg aeu Yauzcuz vwnzva guh giekdaj, aeu diuqfoux, yaemgo, dinfwngz ak Yauzcuz daengj ndawbiengz yisuz gig miz Ginhsiu daegsaek haenx, hawj de caeuq lijyouzyez gaenjmaenh giethab, doenggvaq gvangjbo, yingjsi, ingjsiengq daengj lai cungj biujyienh hingzsi, dajcaux buek cingbinj yenji gig miz Yauzcuz vwnzva daegsaek caeuq yinxdaeuz yisuz naekna ndeu. Guh ndei swnjcienz caeuq baujhoh feihvuzciz vwnzva yizcanj, cujiz bauq buek feihvuzciz vwnzva yizcanj

baujhoh hanghmoeg ndeu, cungfaen fatok gij cozyung feihvuzciz vwnzva yizcanj.

Sam dwg bangcoengh caeuq gungganq vwnzdij giyez caeuq bonjfaenh vunz. Haenqrengz haeujcoengh yienh vwnzva yisuzdonz gag ginghyingz; gujli hwnghat aendoih vwnzyi ndawbiengz, gungganq canghheiq ndawbiengz; gujli haiguh vwnzyi yienjok, hoh ngoenzciet vwnzva hozdung, haeujcoengh ndawbiengz banh “ciet Buenzvuengz” daengj minzcuz conzdungj ngoenzciet; gujli giyez aeu minzcuz yenzsu yungh daengz doxgaiq dajveh, baucang dajveh caeuq caepranz dajveh daengj.

(Veiz Yinbinh/韦运斌)